

ZASTUPNIČKO PITANJE

Zastupnik – Hamed Aljović

Prema Zavodu za izgradnju Kantona Sarajevo i Upravi za stambena pitanja Kantona Sarajevo

- a) Molim Zavod za izgradnju Kantona Sarajevo da mi odgovori kako je moguće da se stan u vlasništvu Zavoda na osnovu odobrenja za privremeno korištenje stana, isti „privremeno“ koristi više od 19. godina i ko je odgovoran?
- b) Koje aktivnosti Uprava za stambena pitanja poduzima kako bi stan u ul. Samira Čatovića Kobre br. 19/IV-15, vlasništvo Zavoda za izgradnju Kantona Sarajevo od „privremenog“ korisnika vratili vlasniku tj. Zavodu za izgradnju- Kantonu Sarajevo?

Obrazloženje: Na 15. radnoj sjednici Skupštine Kantona Sarajevo, održanoj 30.05.2016. godine u okviru tačke Dnevnog reda „zastupnička/poslanička pitanja, inicijative i odgovori“ sam postavio pitanje prema Ministru prostornog uređenja, građenja i zaštite okoliša Kantona Sarajevo a u vezi pravnog osnova po kom je Ministarstvo stambene politike dodjelovalao na privremeno korištenje stanove upisane u finansijske i knjigovodstvene evidencije Zavoda za izgradnju Kantona Sarajevo. U odgovoru na moje zastupničko/poslaničko pitanje (akt br. 05/01-23 od 15.06.20016. godine) se navodi da je jedan stan u ul. Samira Čatovića Kobre br. 19/IV-15 a čije je vlasnik Zavod za izgradnju Kantona Sarajevo, **Odobrenjem** Ministarstva prostornog uređenja, stambenih i komunalnih poslova Kantona Sarajevo broj: 14/1-377-150-0/ 97 od 28.01.1997. godine, dat na „privremeno“ korištenje Mulaosmanović Sulejmanu.

Kao zastupnik/poslanik **ne mogu razumjeti** da „privremeno“ odobrenje za korištenje stana „traje“ više od 19 godina, posebno uzimajući u obzir činjenice da je Sulejman Mulaosmanović umro 2008. godine (Zapisnik uprave za stambena pitanje Kantona Sarajevo od 15.06.2016. godine –dostavljen u prilogu gore navedenog odgovora) i da je izjavu na Zapisnik „o privremenom korištenju navedenog stana“ dala Fikreta Mulaosmanović-Smajić.


Fikreta Mulaosmanović- Smajić je bivši poslanik/zastupnik u Skupštini Kantona Sarajevo u mandatnom period 2010-2014. godina.

Ovdje je legitimno postaviti nekoliko pitanja: 1. Da li je zastupnik/poslanik u Skupštini Kantona Sarajevo nelegalno koristila stan Zavoda za izgradnju Kantona Sarajevo tj. Kantona Sarajevo u period kada je bila poslanik/zastupnik i da li to predstavlja sukob interesa?; 2. Da li je "privremen" boravak u stanu na navedenoj adresi "produžavan" kao dio političkog uticaja? 3. Da li je Zavod za izgradnju Kantona Sarajevo znao za navedeno i koje aktivnosti je poduzeo po tom pitanju? i 4. Kako je moguće da "privremeni" korisnici stanova ne žele dobrovoljno napustiti "privremene" stanove vlasništvo?

Neprihvatljivo i skandalozno je da neki građani Kantona Sarajevo žive kolektivnim centrima ili žive u izuzetno teškoj socio-ekonomskoj situaciji, (posebno pripadnici boračke populacije) i sa velikim naporima i odricanjem obnavljaju i grade stambene objekte za smještaj sebe i svoje porodice dok neki građani Kantona Sarajevo koji su rat 1992-1995. godine, proveli u inostranstvu, dobijaju na "privremeno" *korištenje državne stanove u elitnim naseljima* a istovremeno su aktuelni ili bivši poslanici/zastupnici u Skupštini Kantona Sarajevo, porodice sa enormno visokim primanjima itd.

Računi za komunalne usluge "privremenih" korisnika stanova su posebno pitanje. U gore navedenom aktu (odgovoru) Ministarstva se navodi da se da troškovi komunalnih usluga padaju na teret "privremenog korisnika stana". Međutim postavlja se pitanje: ko plaća komunalne usluge u slučaju kada je "privremeni" korisnik stana umro prije nekoliko godina i u situaciji kada npr. dugovanja "privremenog" korisnika stana prelaze nekoliko hiljada KM? Ne znam odgovor na to pitanje ali predpostavljam građani Kantona Sarajevo (Kantonalna preduzeća su vlasništvo Kantona Sarajevo) isto kao što "dozvoljavaju" besplatan boravak "privremenom" korisniku više od 19. godina.

28.06. 2016. godine

Z a s t u p n i k

Hamed Aljović